

Prográmmaplána

Boazoealáhusa bachelor

180 oahppočuoggá



1. Prográmma namma ja grádanamahus go lea geargan oahpus

Prográmma namma:

Sámegillii: Boazoealáhusa bachelorprográmma

Dárogillii: Bachelorprogram i reinnæringsstudier

Eaŋgalasgillii: Bachelor Programme in Reindeer Husbandry Studies

Grádanamahus:

Sámegillii: Boazoealáhusa bachelor

Dárogillii: Bachelor i reinnæringsstudier

Eaŋgalasgillii: Bachelor in Reindeer Husbandry Studies

2. Oahppoprográmma viidodat

Bachelorprográmma viidodat lea 180 oahppočuoggá ja normerejuvvon oahppoáigi lea golbma jagi.

3. Sisabeassangáibádusat

- Dábálaš sisabeassangáibádusat alitoahpahussii. Sisabeassanvuoddu sáhtá leat juogo oppalaš lohkelbbolašvuotta (čadahan joatkkaskuvlla/logahaga/gymnása) dahje reálagelbbolašvuotta
- Sámeielmáhttu.

Sámegiela gáibádusa sáhtá deavdit čuovvovaš vugiid mielde: Norgga joatkkaskuvllas sámegiella 1. dahje 2. giellan, Suoma logahagas eatnigielladutkkus dahje lohkan sámegiela vierrogiellan ja Ruota gymnásas eatnigiellan (modersmål 200 čuoggá) dahje odđáiigásaš giellan (moderna språk 200-300 čuoggá) dahje vástideaddji sámegieloahppu doaibmi njuolggadusaid mielde. Sámeigiela gáibádusa sáhtá maid deavdit sámegiela lohkanbadjeoahpuin, 30 oahppočuoggá, dahje vástideaddji oahpuin dahje ceavzit giellageahččaleami maid Sámi allaskuvla lágida. Jus lea eahpesihkarvuotta man dási gelbbolašvuotta ohccis lea, de ášši ovddiduvvo fágalaš árvoštallamii ja meannuduvvo dán vuodul.

4. Oahpahuš- ja eksámengiella

Oahpahuš vieldogiella lea davvisámegiella. Oasit oahpahušas sáhttet leat eaŋgalasgillii ja skandináva gielaide. Oahpahuš eaŋgalasgillii ii dulkojuvvo. Eará gielaide oahpahuš dulkojuvvo dárbbu mielde. Eksámengiella lea davvisámegiella.

5. Oahppanjoksosat

Maŋgel čadahušuvvon oahpu galgá kandidáhtta olahan čuovvovaš oahppanjoksosiid:

Diehtu:

Kandidáhtta

- diehtá váldomassii mat ja makkárat ledje ovdalaš sámi ealáhuslágít ja searvevuodalaš birgejumi ásašusat vuosttaš čálalaš gállduid rájes, dáid rievdanproseassaid dáláži ja otná diliid iešgudet guovlluin Sámis

- diehtá guovddáš osiid das movt sámi birgejumi ja eallima dilis ovdalaččas dáláži leat jurddahan ja atnán olbmuid oktavuodaid ja dahkamušaid biras sivdnádusain, ja dákkár vuolggasajiin máhttá bidjat ovdan ja guorahallat otná dili ehtalaš, hálldahuslaš ja bistevasvuodalaš gažaldagaid
- diehtá sámi guovlluid stáhtalaš rájjiid ja hálldahusa ásaheami historjjá, váldomassii iešguđet stáhtalaš lágaid ja hálldahuslaš lágidusaid, ja das maiddá riekteovdánemiid ja álbmotrievtti dakko gokko guovddášepmosit gusket Sámi meahcebirrasa ja sámi vuodđoealáhusaid beroštumiid hálldašepmái
- dovdá guovddáš boazosiidavuođdosaš bargovugiid, doahpágiid ja ipmárdusvugiid, ja máhttá daid geavahit ealáhusdoaimmaid, hálldašemi, riektedulkoma ja dás maiddá álgoálbmotrievttiid dulkoma gažaldagaid válddahallamis ja guorahallamis
- diehtá guovddáš beliid boazosámi beaivválaš bargovugiin, ealáhuslágiin ja biebmovuogádagain ja ođđa birgenvugiid háhkamiin, ja dainna ja boazoealáhusa ekonomijafágalaš vuoduin maiddá máhttá moaitevaččat árvvoštallat bargobirasbeliid ja almmolaš ekonomalaš statistihkaid ja doarjjavugiid

Máhttu:

Kandidáhtta

- máhttá historjjálaš gálduid, ođđaset áiggi dutkan- ja guorahallanbohtosiid ja dálá doaimmavugiid dieđuid vuodul buktit ovdan sámi ealáhuslágiid joatkevaš máhtuid, bargovugiid ja vieruid, ja árvvoštallat daid sámi ja dahkamuša das movt viidáset seilluhit sámi báikkálaš servodagaid ja gullevaš meahcevalljodatváriid
- máhttá buohtastahttit stáhtalaš hálldahusa bargogiela ja áššečilgenvugiid beaivválaš boazobarggu ja siiddastallama doahpágiiguin ja árvvoštallan-, mearrádus- ja bargovugiiguin, ja buktit ovdan vejolaš goabbat ipmárdusaid ja gulahallanválttisvuodaid mat sáhttet čuožžilit dien guovtti gaska.
- diehtá ja máhttá háhkat dieđuid iešguđet Sámi guovlluid dáláš stáhtalaš hálldašemiid birra, máhttá buohtastahttit daid ja ovdanbidjat gullevaš gažaldagaid bohtosiid/váikkuhusaid birra erenoamážit sámi servodaga dáfus
- máhttá atnui váldit fágalaš dieđuid, gaskaomiid ja gullevaš dutkan- ja guorahallanbohtosiid, das maiddá vávjevaččat lahkoniid daidda, ja bagadusain ja iežas guorahallamiin máhttá muddet ja divvut iežas bargamušaid

Oppalaš gelbbolašvuohta:

Kandidáhtta

- lea bures oahpásnuvvan sámi guovlluid vuodđoealáhuslágiid, boazosiiddastallama ja birashálldašemi čuoččumaide ja ehtalaš gažaldagaide
- máhttá oasis doaimmahit iešguđetlágán bargamušain ja prošeavttain ealáhusaid ja birrasa hálldašemi dáfus ja olis, vuoiggalaš ja buori vieru njuolggadusaid mielde
- máhttá čállima, ságastallama ja gulahallama bokte ovdanbuktit čuoččumaide, teorehtalaš lahkonaivugiid ja vejolaš čovdosiid buorin ealáhusdoaimmaide ja birashálldašepmái
- dovdá vuodđoealáhuslágiide ja erenoamážit boazoealáhussii gullevaš ođđavuodá smiehtamušaid ja čađahemiid mannolaga

6. Oahpu oppalaš sisdoallu

Oahpus leat guovddážiis čanastagat ja deaivvadeamit daid gaska mat nuppebealde gullet Sámi árbevirolaš vuodđoealáhusaide, biras sivdnádussii, máhttoguoddi doaimmaide ja ásaheami, dás erenoamážit boazosiiddastallamiid, ja nuppebealde riektevuodđu, riikkaid almmolaš hálldašemi huksen

ja doaibmavuogit. Dain beliin leat iežaset árbevierut, vuoddomálet ja máhttovuogádagat. Dasto leat iešguđet sámi guovlluin sihke sullasašvuodat ja erohusat máhtuid, bargovugiid, vieruid ja birgenlágiid dáfus, ja dain fas gaskavuodat iešguđet riikkaid ja nu iešguđetlágán almmolaš hálddahusaide. Dákkár beliid gaskavuodain ja maiddái daid iešguđetlágánvuodain leat ollu buohtastahttinvejolašvuodat ja čuolmmat ja dáid diehtin ja guorahallanvejolašvuodat addet kandidáhtaide erenoamáš gelbbolašvuoda lassin dasa ahte sin oahpus lea maid sámi vuolggasadji. Viidáset oahppu addá vuodu dovdat boazoealáhusa boazoealáhusa ekonomiiija ollislašvuodadiliid ja daid ođasmahttima beliid, ja dasa lassin maiddái diehtovuodu árvoštallat ealáhusa bastevašvuoda eará beliid.

7. Prográmma huksehus

Boazoealáhusa bachelorprográmma sisttisoallá:

- 30 oč oktasaš geatnegahtton vuoddoahpuid: OKT 101, OKT 102 ja OKT 103
- 70 oč geatnegahtton fágaoahpuid: SER 101, SER 102, SER 103, SER 104, JUR 101, JUR 102, JUR 103
- 50 oč geatnegahtton boazoealáhus čiekjudanoahpuid: BEA 201, BEA 202, BEA 203, JUR 201, BEA 204

30 oč doarjjafágaid maid studeanta ieš vällje eavttuin ahte leat relevánttat ohppui ja dohkkehuvvojit doarjjafágán oahppoprográmmii. Daid sáhtta maid váldit eará alitoahppoásahusain ja olgoriikalonohallama bokte.

1. lohkanbadji	2. lohkanbadji	3. lohkanbadji	4. lohkanbadji	5. lohkanbadji	6. lohkanbadji
OKT 101 Eamiálbmot filosofiiija, 10 oč	SER 101 Ovdalaš sámi ealáhuslágít, 10 oč	SER 103 Olmmoš ja biras odne, 10 oč	Lonohallan/ doarjjafágat, 30 oč	BEA 201 Boazoealáhusa siiddastallan ja eatnamat, 10 oč	BEA 202 Bargohárjehalla n boazoealáhusa bachelora prográmmas, 10 oč
OKT 102 Dieđalaš čállin ja guorahallan, 10 oč	SER 102 Sámi birasehtalaš vierut boares áiggis, 10 oč	SER 104 Árbevirolaš sámi ealáhusdoaim mat odne, 10 oč		JUR 201 Boazoealáhusa lágat ja riektevuođđu, 10 oč	BEA 203 Boazoealáhusa ekonomiiija ja doaibmabiras, 10 oč
JUR 101 Sámeriekti, 10 oč	JUR 102 Almmolaš eanan- ja čáhcehálddašeapmi sámi guovlluin, ja dan diehtovuodđu, 10 oč	JUR 103 Sámi riekte- ipmárdusat, 10 oč		OKT 103 Metodalaš lah konanvuogit, 10 oč	BEA 204 Bachelorčálus, 10 oč

8. Oahpahan ja oahppanvuogit

Oahpus lea sihke fysalaš ja neahttavuđot oahpamus. Oahppoplánain lea dárkilat diehtu oahppoovttadagaid lágideami birra. Oahppan lágiduvvo deaivvadeamiid, studeantačoahkkanemiid, oahppomátkkiid, bagadallamiid ja daid gaska neahttagulahallama bokte. Guđege oahppoovttadaga oahppoplánas leat dieđut fágaid oahpamusain ja oahppanvugiin. Ohppui gullá maid oanebotta bargohárjehallan.

9. Árvvoštallanvuogit

Árvvoštallanvuogit rievddadit oahppoovttadagas oahppoovttadahkii, ja bohtet ovdan oahppoplánain.

10. Bargo- ja joatkkaoahppovejolašvuodát

Bachelorprográmma ollašuhttin addá gelbbolašvuoda dihto mastergrádaoahpuide juogo Sámi allaskuvlla dahkan soahpamušaid vuodul eará oahppoásahusaiguin dahje ohcama vuodul.

Oahppu addá gelbbolašvuoda bargguide mat hálldašit, doaimmahit, čielggadit dahje leat doarjjan ovdánahttit meahcevalljodatváđot ealáhusaid, ja das erenoamážit boazoealáhusa. Muđui bargguide mat gullet meahcebirrasa ja dasa gullevaš doaimmaid hálldašeapmái. Dasa lassin eará bargguide maidda gullá seaillohut, oahpasmahttit dahje ovdanbuktit sámi dieđuid, máhtuid ja bargovugiid das mii gullá vuodđoealáhus- ja meahcebirrasii obalohkáii.

11. Eará dieđut

Olgoriikalonohallan:

Lea vejolaš čadahit oasi oahpus sihke olgoriikkain ja eará alitoahppoásahusain Norggas. Studeanttat geat háliidit vuolgit lonohallamii, ávžžuhuvvojit dan dahkat 4. lohkanbajis, mii lea várrejuvvon doarjjafágaide.

Kvalitehtasihkarastin:

Čujuhuvvo Sámi allaskuvlla kvalitehtasihkkarastinvuogádahkii ja dasa makkár vejolašvuodát ja geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvoštallamiid, eksámenraporttaid, sensorraporttaid ja fágareportta vuodul.